



Ministère de l'Agriculture, de la Viticulture et du Développement rural,		8
Référence: 34/2020		
24 JAN. 2020		Här Fernand Etgen President vun der Chamber
A traiter par: CHAMBRE DES DÉPUTÉS		
Copie à: Entrée le		Lëtzebuerg, den 22. Januar 2020
23 JAN. 2020 1760		

Här President,

Esou ewéi den Artikel 83 vum Chambersreglement et virgesäit bieden ech lech, des parlamentaresch Fro un den Här Minister fir Landwirtschaft an un den Här Minister fir Tourismus weider ze leeden.

Landwirtschaft ass e wichtige Bestanddeel vun der lëtzebuerger Geschicht. Laut eisen Informatiounen wieren de Landwirtschaftsministère souwéi och den Tourismusministère un der Realisatioun vun engem nationalen landwirtschaftlechen Musée interesséiert.

Dëse Projet wier wichteg, well d' Akerbauschoul deemnächst an hir nei Raimlechkeete plënnert, sie awer hir sëllegen Exponaten, Archivalen an och Maschinne vu fréier, déi schonns z.b. renovéiert sënn, net op den neie Site ka mat huelen. Esou ee Musée wier och déi richteg Plaz fir generell historescht Material an Exponaten aus der Landwirtschaft auszustellen, ze schützen an z'erhalen. Sou kéinten zb och Objet 'en aus dem fréieren Agrozenter op sou enger Platz ënnerbruecht ginn

An dësem Kontext wollt ech dem Här Minister fir Landwirtschaft an dem Här Minister fir Tourismus folgend Froe stellen:

- Kënnen d'Ministère bestätegen, datt sie esou engem Projet vun engem landwirtschaftlechem Musée géigeniwwer positiv gesënnt sinn?
- Ass um aktuellem Site vun der Akerbauschoul zu Ettelbréck d' Realiséierung vun dësem Projet méiglech?
- Wann jo, ass d'Regierung prett esou ee Projet op Been ze stellen ?
- Wann neen, gëtt et an der Nordstad een aneren appropriéierte Site fir esou e Musée anzeriichten ?

Här President, ech bieden Iech mäin déifste Respekt unzehuelen.

**Martine Hansen**

**Députéiert**



CHAMBRE DES DÉPUTÉS  
GRAND-DUCHÉ DE LUXEMBOURG

Dossier suivi par Christian Alff  
Service des séances plénières et  
secrétariat général  
Tél : 466.966.223  
Fax : 466.966.210  
e-mail : calff@chd.lu

Monsieur Marc Hansen  
Ministre aux Relations avec le Parlement  
Luxembourg

Luxembourg, le 23 janvier 2020

Objet : Question parlementaire n° 1760 du 22.01.2020 de Madame la Députée Martine Hansen - Musée agricole

Monsieur le Ministre,

J'ai l'honneur de vous communiquer par la présente la question parlementaire sous objet.

Je vous prie de bien vouloir me faire parvenir la réponse du Gouvernement dans le délai d'un mois afin que je puisse la faire publier avec la question au compte rendu.

Veuillez agréer, Monsieur le Ministre, l'expression de mes sentiments les plus distingués.

Fernand Etgen  
Président de la Chambre des Députés



LE GOUVERNEMENT  
DU GRAND-DUCHÉ DE LUXEMBOURG  
Ministère de l'Agriculture,  
de la Viticulture et du  
Développement rural

Dossier suivi par : M. André LOOS  
Tél : 247-82530

Réf.: 34/20

**Monsieur Marc HANSEN**  
**Ministre aux Relations avec le**  
**Parlement**

**Service Central de Législation**

**LUXEMBOURG**

Luxembourg, le 10 mars 2020

**Objet:** Question parlementaire n°1760 de l'honorable Députée Madame Martine Hansen

Monsieur le Ministre,

J'ai l'honneur de vous faire parvenir, en annexe, la réponse commune de Monsieur le Ministre de l'Agriculture, de la Viticulture et du Développement rural et de Monsieur le Ministre du Tourisme à la question parlementaire citée sous rubrique.

Veuillez agréer, Monsieur le Ministre, l'assurance de ma considération très distinguée.

Le Ministre de l'Agriculture,  
de la Viticulture  
et du Développement rural,

  
Romain SCHNEIDER

**Réponse commune de Monsieur le Ministre de l'Agriculture, de la Viticulture et du Développement rural et de Monsieur le Ministre du Tourisme à la question parlementaire n° 1760 de Madame la Députée Martine HANSEN**

- **Kënnen d'Ministere bestätegen, datt si esou engem Projet vun engem landwirtschaftleche Musée géigeniwwer positiv gesënnt sinn?**
- **Ass um aktuelle Site vun der Akerbauschoul zu Ettelbréck d'Realiséierung vun dësem Projet méiglech?**
- **Wann jo, ass d'Regierung prett esou ee Projet op Been ze stellen?**
- **Wann neen, gëtt et an der Nordstad een aneren appropriéierte Site fir esou e Musée anzeriichten?**

Unni Zweifel sinn d'Secteur'en Landwirtschaft, Wäibau, Uebst- a Gaardebau wichteg Bestanddeeler vun der Lëtzebuerger Geschicht. Hu si dach bis haut d'Gestaltung vun eiser Kulturlandschaft wéi och d'Entwécklung vun eiser Gesellschaft, besonnesch an eise ländleche Reim, däitlech matgeprägt. Duerfir ass d'Iddi vun engem „nationale landwirtschaftleche Musée“ sécherlech eng ganz interessant.

Bei enger Entrevue am Summer 2019 krute mir ee Projet vun engem „nationale Landwirtschafts-Musée“, a Form vun enger Konzept-Iddi, vun engem Schüler aus der Akerbauschoul presentéiert.

Esou ee Projet sollt am Kader vun engem enken Netzwierk mat deene sëllege bestoende wéi geplangte lokalen a ländleche Muséeën am Land gesi ginn. Dobäi huet all lokale Musée oder Dokumentatiounszentrum uechtert d'Land seng ganz spezifesch an eenzegaarteg Creneau'en. Dës sollen sech am Interessi vum Visiteur mateneen ergänzen a verstärken.

Vu datt bis haut weder ee fäerdeg a präziist Konzept nach een Träger fir esou ee Musée définéiert ass, stellt sech fir de Moment d'Fro vun engem Site net.

Zu dësem Moment ass awer schonns gewosst, datt den aktuelle Site vun der Akerbauschoul zu Ettelbréck fir déi néideg Extensioun vum Technesche Lycée Ettelbréck virgesinn ass.

-----